



金東山文集卷之二

江都金門詔東山氏撰

門人子姪全校

明史傳總論目錄

忠義傳總序

忠義傳論一

忠義傳論二

忠義傳論三

忠義傳論四

忠義傳論五

忠義傳論六

忠義傳論七

忠義傳論八

忠義傳論九

忠義傳論十

孝義傳總序

孝義傳論一

孝義傳論二

孝義傳論三

孝義傳論四

孝義傳論五

孝義傳論六

孝義傳論七

孝義傳論八

孝義傳論九

孝義傳論十

孝義傳論十一

孝義傳論十二

孝義傳論十三

孝義傳論十四

隱逸傳總序

隱逸傳論一

隱逸傳論二

隱逸傳論三

方伎傳總序

方伎傳論一

方伎傳論二

方伎傳論三

外戚傳總序

外戚傳論

列女傳總序

列女傳論一

列女傳論二

列女傳論三

列女傳論四

列女傳論五

列女傳論六

列女傳論七

列女傳論八

列女傳論九

列女傳論十

列女傳論十一

列女傳論十二

列女傳論十三

列女傳論十四

列女傳論十五

列女傳論十六

列女傳論十七

列女傳論十八

列女傳論十九

列女傳論二十

土司傳總序

湖廣土司傳論

四川土司傳論

雲南土司傳論

貴州土司傳論

廣西土司傳論

流賊傳總序

流賊傳論

忠義傳總序

從古忠臣義士為國捐生。節炳一時。名垂百世。自唐太宗御定晉書。房魏諸臣始區忠義別為一傳。唐宋金元皆因之。歷代以來。備極表章。尚已。太祖勦業江南。首褒忠義。於從龍將士。或功未就而身亡。若豫章康郎山兩廟。及雞籠山功臣廟。所祀諸人。莫不爵贈公侯。血食俎豆。侑享太廟。恤錄子孫。以故不數十年。燕師南來。大物未嘗易姓。而羣臣不憚膏鼎鑊。赤姻族以相抗也。仁宣以後。重熙累洽。垂二百餘載。中間如交趾之征。土木之變。宸濠之叛。以暨神熹兩朝。邊陲多故。湛身殉難者。未易更僕數。亦莫不荷恤。

忠之典若後人自陳請而所司失奏者輒嚴旨譙讓故節烈之績咸得顯暴於時迨莊烈承基運丁陽九時內外諸臣或隕首封疆或致命闕下蹈死如歸者尤衆其亦累朝褒忠之報歟至若抒忠勝國抗命興朝稽諸前史例得並書而我

太宗

文皇帝寬獎張春不奪其志勵節勸忠爭光日月蓋洛邑頑民商家義士其道固兩不相悖云今就有明一代死義死事死戰之臣博採旁蒐彙為八卷其同時死難者各因事附見並垂不朽他若事實繁多及國家興亡所繫與夫忠諫而死疏草傳誦人口者已列前帙茲不復載

忠義傳論一

明太祖征誅之始即旌元臣余闕福壽比及踐祚感蔡子英之書聽使北歸依其故主其風勵臣節者至矣宜乎一代忠義之士史不勝書也花雲王愷孫炎諸君子建開國勳冒矢刃死封疆功在社稷名垂奕禩偉哉不可及已王禕以蓋代儒臣與宋濂齊名其文章經濟已足雄視當代及其奉使邊徼臨大節而不奪方之蘓子卿更多一死豈士夫捐軀殉難者比是花雲王禕不僅以忠義顯而忠義實以兩人重也雲禕而下如熊鼎易紹宗栞彭皇甫斌之屬死者不一其類不幸而變起倉卒勢窮力竭不惜一死以

報主。遂皆得與雲禕諸賢爭烈也。可不謂榮哉。

忠義傳論二

宸濠之叛。巡按方伯皆反顏事仇。獨孫燧執大義。許逵仗赤心。罵不絕聲。至死不屈。其不愧人臣哉。黃宏以參議死。馬思聰以督糧死。宋以方以知府死。皆能不奪所守者。已至於萬木。鄭山趙楠。劉世倫之徒。尤士民之矯矯者。忠義之性。無分貴賤。何獨有官者乎。

忠義傳論三

弘治正德之間。羣盜漸起。自遭宸濠之變。賊熾愈熾。西南有苗徭之患。東南有倭寇之警。河南則先之以尚詔。山東

則繼之以白蓮。干戈擾攘。漸無寧日。而中國虛耗矣。王冕縣令耳。以滅宸濠未及叙。而卒死於妖賊之難。其始終不渝者。歟。陳聞詩許以母殺人。而後自縊。董倫率民巷戰。而妻僕從死。豈一郡司馬微銜足以旌乎。王鈇中刃。龔諒被殺。錢泮受鎗。錢鏞唐一岑。朱衷齊恩之徒。並有守土之責。皆能力戰以死。固履忠蹈義而克恭厥職者也。孫鏗商販。杜槐俠士耳。乃括家貲。結鄉勇。爭先酣戰。身死不悔。何其烈耶。黃大夫不愛錢。故不惜死。笑且罵焉。裸而寸斬之。偉哉。釗乎。王德勒部。追襲汪一中。列陣誓師。勳節皆有可觀。彼戰鬪死者。已卓卓可表見。而闔門盡難。尤人情所難已。

忠義傳論四

自曹文詔斬王嘉胤而賊黨闖王闖將之徒起於陝西。自袁崇煥斬毛文龍而帳下孔有德李九成之徒遁於山東。於是流賊紛起。震動海內。總以奸閹用事。兵歎於餉。民困於征。怨苦已極。而罕以上聞。故一夫大呼。遠邇響應。徒使忠義之士如朱萬年張瑤輩。無救於社稷之危亡。而唯以一死報國家也。惜哉。

忠義傳論五

我國家以仁義之師。澤洋塞外。流及中國。當萬曆時。德威所加。已稱無敵。其來有漸矣。而書移往還。修睦之情形之

篇簡。不忍擾害。黔黎豈肯殘傷。善類乎。逮我

太宗

文皇帝。尤宅心仁厚。觀於張春被執。寬其禮數。勸以酒饌。千載而下。罔不感激涕零。而先後忠義之士。如潘宗顏。張銓。諸君子。要各君其君。各成其志。雖明知天命人心萬難挽回。而絕不較量於成敗禍福之間。夫忠臣不事二君。此昔賢之所嘉尚也。故珥筆者亦竊有取焉。

忠義傳論六

自成闖將也。自闖王高迎祥被磔。而自成代為闖王。蓋自崇禎九年始也。十年。蝎子塊既降。自成遂奔秦州。入蜀。陷廣元。而總鎮侯良柱戰死。陷昭化。劍州等處。而牧令徐尚

卿輩以守土死自此流布猖狂中州最劇烏合尤多致使士夫之懷忠慕義者如武大烈來秉衡諸君子趨死如歸甚至支解骨粉一門灰燼百磔不辭嗚呼何其烈哉

忠義傳論七

自成之禍始於關中猖狂於中州流毒於晉楚蔓延於南北兩省以至士無噍類民鮮子遺而一時臣死君子死父妻死夫甚至僕妾相從闔門盡難者皆罔肯苟全於亂世而有明二百餘年養士之報亦可見已

忠義傳論八

獻忠之禍左良玉熊文燦召之也其遁古寨也良玉不肯

搜山其走興歸也良玉又復緩賊及良玉聽林銘球之計欲垂其來降面執之而文燦又不肯背主撫之議及帝納張鳳翽之言勒文燦進兵而獻忠已叛遂至兵連禍結不可復振當獻忠之僭號武昌建官設科侈然有閭干之意故其時巧宦之士營避銓除即已任守土者亦多托故以遁至鄉邑士夫妄揆時勢或污偽命而諸賢獨不畏艱欲以一木支撐以至忠良殞命義士捐軀當與江漢爭潔矣

忠義傳論九

明季自奸璫擅權橫征暴斂括盡脂膏加以闖賊淫威流毒海內勢如倒懸幸而

聖主當陽莫不崩角稽首望其來。蘓顧所在忠義之士不復顧念身家。唯以國破君亡。罔忍獨活。至今生氣凜然。信不愧臣節云。

忠義傳論十

文天祥答李羅云。國家不幸喪亡。存一日則盡臣子一日之事。至哉言乎。當甲申以後。明代之玉步已更。而賊黨孫可望。李定國。相據稱雄。蹂躪於滇黔川廣之間。徒使天末孤臣。萬里效死。豈有他冀。亦盡吾責而已。今採張耀。朱壽圖。諸人用附一代忠義之末。庶知亡國之臣一死之外無他道耳。

孝義傳總序

昔先王以六行教萬民。曰孝友睦婣任恤。而民衆著於孝義之行。羸秦而降。教道衰矣。然五常之性本乎因心。故布衣委巷之民。時能竭力盡孝。捐軀蹈義。以致行隆鄉國。名播朝廷。獎勵之典。賁乎蓬華。述稽史牒。代不或廢也。明太祖詔舉孝弟力田者。畀以顯秩。又令正官以禮遣。孝廉之士至京師。其百官聞父母喪者。不待報許。即去官。厥後申明孝道。凡割股卧冰。恐致傷生。不在旌表之列。然永樂間。時復破格激獎。英宗朝。詔民間同居共爨五世以上。有司勘報。予以褒錫。武宗時。令舉孝義文武官及科目出身者。

不得與官給銀其家自樹坊表復二丁百官有親喪者皆不得奪情世宗詔孝子已旌年及六十者予冠帶在上誘激之道綦云備矣故士庶感興懿行卓然考諸實錄莫可殫述今採其尤異者輯為傳餘則援唐書例臚其姓氏如左以志不泯云

孝義傳論一

兵燹所臨誰甘就死乃子替父孫代祖婦救姑妻殉夫或出之慷慨或行以從容要皆之死無悔者也有不死者幸耳若夫虎避墓去烏攫魚歸精誠動物匪朝夕之故也有明開國之初觀於允讓諸賢其處常履變之間均可為人倫之鵠也夫

孝義傳論二

國有常刑代死而遂生之則法弛代死而仍殺之則仁薄開濟詹徽守官執法經也太祖則曰宥曰殺隨事制宜權也維臣守經維君達權行權者察其誠偽酌其重輕務使法外有仁仁中有法於以彰國憲砥孝行庶幾兩無憾乎

孝義傳論三

宋濂鄭氏孝友傳云太和主家政子孫從化孜孜孝謹不識市廛嬉遊事食貨田賦之屬各有所司無敢私諸子晝趨功入夜咸集温温語笑更餘始休婦女惟事女紅不預

家事內外極嚴。輿僮通傳莫敢越堂限。雖石奮家亦所不及。宜其歷數百年而門閭益大。馳聲九州。流光三史。豈不休哉。若王澄者。聞風興起。可謂善學矣。

孝義傳論四

猛虎搏人。豪強喪胆。矧鬻齧乎。然父母昆弟受其齧噬。又誰其甘心也。定住年甫十二。顧三齧而三擊之。豈真有威力哉。精誠所向。雖猛虎不能當耳。他日登拜虎岡。吾心賞包子矣。而迴念蘓生。猶想見徐徐虎態也。

孝義傳論五

權謹廬墓。致有泉湧兔馴之異。遂由京職躋宰輔。不次之

擢。以風厥孝。仁宗之所以為仁也。趙紳向化。陸尚質之死。於水。李文詠。王應元。唐治等之死於火。君子有恫心焉。若夫手抱父臂。頭頂父衣。彼洪流浩浩中。乃若此之固結。而不可解耶。至今過陸郎渡者。猶潸然淚下矣。至烈燄之餘。而其父之全體尚存。所謂入火不熱者。殆不欲灰人子之心歟。

孝義傳論六

戍子救親。親心必傷。匹夫愚孝。詎宜旌異。然加以杖戍。過矣。自古稱卧冰者。祥以後。又得李德成一人。至於割臂。剖肝。雖蹈毀膚。實緣至性。而斥以希旌表。避里徭。抑又苛矣。

若夏子孝方九歲。刲肉六寸許。卒聞正學不受朝薦。豈遂見斥於有道者哉。正統以後。率表廬墓。多士夫有力者所為。彼蚩蚩之氓。其何以闡幽也。夫純孝者。唯色養為大。割股廬墓一節耳。採其一節。覈其全行。不亦可乎。

孝義傳論七

情莫篤於父子。誼莫重於弟昆。而或睽絕萬里。與數千里外。存則求其生。還亡亦求以骨歸。此必至之理也。然而難矣。當其勢窮力竭。萬無首邱之望。而卒能成其志。如劉謹再往。崔敏復還。劉鎬則蒼頭來於交趾。王原則假寐得之野寺。趙重華之題石。月日相符。黃璽之尋兄。少陵作合。皆有默相之者。天也。非人也。若顧瑋之負母骨。懸諸梁。戴諸頂。愛敬之至矣。至於麴祥歸自外國。山河雖阻。不能限孝子之心已。

孝義傳論八

英宗北狩。此國事也。亦何與軍家子。乃大哭不食而死。義已。其子觸槐從之。孝已。鄭黠給賊。早知自殺。其身子之死。母其生矣。榮瑄代兄。葉文榮替弟。昆弟之死也。而已代之。史冊所載。幾人矣乎。

孝義傳論九

為親報仇。人倫之慘事也。當何競之。噬臂肉。擲案上。含血。

喫○肿○面○一○堂○皆○驚○何○其○雄○也○自○古○豪○傑○雖○荆○聶○之○徒○有○不
逮○已○傳○檄○不○忍○揚○繼○母○之○醜○王○世○名○不○忍○檢○死○父○之○屍○不
幸○之○中○又○不○幸○焉○俞○孜○張○震○孫○文○崔○鑑○孔○金○之○屬○雖○殺○人
而○得○無○恙○論○者○快○之○而○孝○子○之○心○則○已○苦○矣○

孝義傳論十

實○命○不○猶○詩○人○之○所○嘆○也○妾○之○不○幸○而○為○之○子○者○忍○忘○毛
裏○之○愛○乎○如○楊○成○章○邱○緒○謝○用○之○所○遭○者○豈○少○哉○而○卒○得
迎○養○以○終○獨○非○人○子○歟○

孝義傳論十一

正○德○以○來○盜○賊○四○起○其○以○臣○而○盡○忠○死○節○者○固○衆○其○以○子

而○代○親○死○護○親○柩○以○殺○其○身○者○亦○纍○纍○相○望○也○劉○憲○以○下
是○已○至○若○羅○璋○于○博○向○叙○李○壯○丁○之○母○容○師○偃○張○永○安○王
鐸○浦○邵○之○父○各○得○免○或○逸○去○雖○刻○心○剖○肝○裂○屍○焚○骨○奚○辭
溫○淵○弟○也○以○護○兄○柩○而○死○龔○可○正○孫○也○以○衛○祖○母○而○死○至
如○孫○清○守○柩○賊○經○門○不○入○宋○顯○章○李○豫○賊○聞○其○孝○過○門○不
敢○犯○者○亦○希○矣○獨○趙○智○趙○慧○兄○弟○母○子○爭○死○而○賊○稱○為○好
人○殷○士○望○請○代○父○死○賊○笑○而○試○以○炙○刀○刺○受○之○怡○然○遂○兩
釋○之○賊○亦○有○人○心○者○哉○他○若○劉○靜○張○承○相○陳○經○孚○被○殺○而
抱○母○不○解○王○在○復○被○殺○而○抱○父○不○釋○讀○者○泫○然○矣○伍○民○憲
追○殺○父○之○賊○被○賊○斷○右○臂○卧○草○中○猶○一○手○執○戈○呼○其○父○三

日而絕。楊通照。通杰見賊繫母。罵聲震山谷。殺入重圍。抑何烈也。

孝義傳論十二

何麟一點吏耳。乃用之於正。則大義凜然。可以迴人主之怒。而解上憲之危。天威不測。直以一身當之。可不謂壯哉。獨其賂中官一事。不可為訓。然甯俞之貨醫。衍宣聖不以為嫌。而稱愚不可及。武宗耽於遊田。譴責大臣。致使小吏行權中。消受賄聽之不聰。非在下者之過也。可鑒也夫。

孝義傳論十三

阿寄特村舍老奴耳。其主視之不及牛馬之勝。載昆弟皆

棄而不取。而委之季寡。傷哉。顧其事。妾婦藐孤。赤心經營。家累鉅萬。而身無私蓄。其視牛馬。孰若歟。錄附於後。以為事幼主者勸。

孝義傳論十四

時窮則節。乃見從古豪傑之士。遇變彌光。蓋履常則庸德。難彰。處變則竒節易顯。理固然也。歷觀前卷。如徐允讓以下。後卷如周敷以下。諸君子當夫刀兵水火之災。盜賊仇讐之警。以及尋親訪柩。負骨招魂。艱險萬狀。其遇不一。要皆多歷憂患。而精誠所結。遂至驚天地而泣鬼神。其間孝子悌弟。順孫義士。下逮僕從之屬。有明以來。代不乏人。今

就前代掌故。文獻足徵者。略著於篇。若夫朝廷不及旌國。乘不獲錄。姓氏磨滅。何可勝數。然以無據。故概不書。而其心未嘗不倦倦也。

隱逸傳總序

巢由以來。隱逸尚矣。蒲輪束帛。世未或闕焉。述稽曩史。自蔚宗作傳。遞相沿襲。其有抱道巖谷。不事王侯者。並獲表彰於世。是殆韜光而益耀歟。介之推言身將隱矣。焉用文之。文之是求顯也。是非無文也。特不用文之。以求顯耳。故李延壽之言曰。含貞養素。文以藝業。不然。與樵者在山。何異。苟槁形泉石。白首無聞。既無鄭朴却聘之風。又鮮法真逃名之譽。烏覩所云高尚其事者哉。有明一代之士。其經明行修。及著述足傳者。已備列儒林文苑中。茲取其貞節超羣。高雅邁俗。徵辟罔應。衡泌自安者。數人作隱逸傳。餘

不濫錄

隱逸傳論一

當元季之世。羣雄並起。喙喙爭鳴。介福能曉以大義。克全清節。介已瓚以絕塵之姿。超然世外。至今覩其遺蹟。無不想見雲林居士也。至明太祖崛起。與方為天下屈。四先生而舫之視。四子若不屑焉者何也。及二楊屢却徵辟。跡比真鴻。不入網羅。終脫鼎俎。其均易所稱肥遯。无不利者乎。

隱逸傳論二

吳海隱居樂道。書禍一編。可為世鑒。勸翰自裁。而撫育其子。其明於大倫。而愛人以德者哉。劉閔醇修楊黼霞舉。皆

篤於孝道。沈休文有言曰。身隱故稱隱者。道隱故曰賢人。三子之隱。可不謂賢歟。一元踪跡奇詭。莫測乃中道而遊。或稱其宏才廣識。知兵曉吏事。顧不肯表見於時。而韜光埋照。亦大足惜已。

隱逸傳論三

鳳凰臺一賦。不為朝陽之鳴。而阻於嘉遯之占。豈周之隱。天限之乎。顧寧以畫壁自溷。不肯謁貴遊。以免此其器量。何如哉。繼儒不應東林之招。而聲價愈高。不受徵辟之詔。而品望愈重。然此兩人者。惟惓惓不忘其親。故水竹之勝。東宗之築。意蓋有在。後之披石田。蹟讀眉公書者。倘亦如

見其白華之思也。夫。

方伎傳總序

左氏載醫和。緩梓慎。禪竈。史蘓姑布。子卿之屬甚詳。下逮巫祝。亦徃徃張其事。以神之。馬遷傳扁鵲。倉公。日者。龜策。而黃石。赤松。倉海君之流。近於神仙。荒忽亦備錄。不遺。班氏則醫經。雜占。諸書。並載。諸藝文志。其以方術名傳。蓋自范蔚宗始。後史因之。姓名班班可臚也。夫藝人術士。匪能登乎道德之塗。然古昔未之。或廢伶倫之審音。天老之決筮。岐伯之辨疾病。其學足參化機。而軋理奧詎。止小道可觀乎。醫與曆。朝廷皆為設官。其他則聽人自攻其術而已。明興。崇尚儒術。家肄詩書。人習孔孟。尚已。而方伎者流。挾

其能足以名當世者亦衆不能具錄採其術最靈驗者著於篇。

方伎傳論一

傳有之不為良相則為良醫。謂醫之可以生人也。故又曰。庸醫殺人甚哉。醫之所關者大。而其理甚微。自滑壽至王履諸人。皆元末人。至明初始卒。觀其議論及所治諸疾。皆博極於古人之書。而會通其理。故其術精。而其效神。世之學者。不根柢於古人。而妄以意希名利。其不殺人者希矣。猶龍之嘆聖人之於老子。蓋有取焉。至莊列輩出。齊生死。

方伎傳論二

一彭殤雖涉於空虛寂滅。而清靜自守。要無害於大道。迨符籙既興。邪說橫行。識者憂之。如周顛張中。三丰之徒。踪跡變幻。神仙之說。或未可知。顧其潔然高蹈。亦可謂與世無爭者也。張正常席先人餘業。叨膺爵秩。得太祖天有師乎。一語可破庸陋之見。唯托以驅鬼神。則授以真人。殆亦庶幾。而後世幾與宣聖苗裔相抗衡。過矣。若夫加號之。典已屬濫觴。而劉淵然加至十八字。沈道寧至二十四字。亦徒見其惑耳。茲槩削而不錄。

方伎傳論三

醫卜占相之中。有君子焉。袁珙相士也。而因談說禍福。導

人以善。其子忠徹。盡言極諫。以報主知。戴思恭。盛寅。吳傑。皆醫士也。思恭則從容開陳。免衆於死。寅則念民疾苦。遇事規諷。傑則甘心退讓。以安儕輩。且沮幸宣府。中外以寧。全寅以下筮之流。顯折奸謀。為公卿信重。不及於私。其諸懷仁抱義。有托而逃者歟。至其術之奇驗驚人。又各有攸長矣。

外戚傳總序

自古外戚之禍。莫若兩漢。唐宋以下。少殺矣。明太祖禁母后臨朝。后妃之家。崇其號名。衣食縣官而已。是以綿祚悠遠。初無安陽博陸。梁竇何董之變。匪直消禍於履霜也。椒房貴戚。亦藉以保福。胙逮子孫焉。英宗時。惟會昌侯孫繼宗。以奪門功。參議國是。自茲以下。其賢者類多謹身奉法。謙謙有儒者風。無所建樹。而一二怙息負乘之徒。所好不遇。狗馬音樂田宅。所狎不遇。俳優伎妾。所凌虐不遇。閭閻雜匹。輿僮廝養之屬。雖汰如壽寧兄弟。陰謀如鄭國泰。在廷諸臣。輒皆正論。讜言。消其豐孽。謂非祖宗法制之善哉。

至若惠安新樂咸舉宗殉國殺身成仁嗚呼卓矣其成祖
后家詳中山王傳餘採其行事可紀者作外戚傳

外戚傳論

終明之世戚臣率保終始惟嘉靖朝張延齡以罪誅天道
惡盈固已然考世宗當日以其母故憾敬皇后言后為巫
蠱欲奉其母居興國以避不祥此其欲甘心於張氏者何
如哉然則二張即恭謹且恐不免矣神宗時羣臣爭國本
鄭氏被攻無虛日用是紛紜者數十年廷臣盡如水火致
大權歸於中璫以釀清流之禍而明遂以亡嗚呼事會之
來無所逃免而成見私意卒貽宗社憂是可歎也

列女傳總序

史之有列女其猶詩之有關雎栢舟也關雎稱好逑而栢
舟矢之死則凡後世閨門之內其處順遇變克標懿範者
宜皆為史家所錄然自魏隋而降所載皆節烈之事如范
史班昭桓少君輩寥寥罕聞豈非平時之靜好易為而臨
難之志節難強乎明興著為規條俾巡方督學歲上其事
大者賜祠小亦表里風聲所及即僻壤下戶之女亦能以
貞白自砥其載於實錄及郡邑志者不下萬餘人雖間有
以文藝顯者要之節烈為多耳大約女子之道有三已嫁
為婦未嫁為女字而未嫁或殉夫盡節及守節以終者為

媛媛者女子之美稱。今稱之為媛，所以別乎婦女而名之也。婦之義有九，其為烈婦者五：一曰忠烈婦，二曰貞烈婦，三曰節烈婦，四曰義烈婦，五曰孝烈婦。為婦女之義有四：一曰孝，二曰貞，三曰義，四曰烈。女者二：一曰義烈女，二曰貞烈女。媛之義有三：一曰烈媛，二曰節媛，三曰貞媛。由此而推，又有義姑、義姊、義妹、義妾、義婢，附於其後。而女之道備矣。故各以類相從，約文緒義而論次之。擇其尤異者二百餘人著於篇。

列女傳論一

忠烈之婦遭逢禍亂，有死無二。雖不能有裨國家，而婦道以盡，亦足見閨門之化焉。月娥當偽漢之時，首明大義，不肯失節於賊，屍沉七日，顏色如生。九女相從，十人同穴，固巾幗之冠已。郭氏以下，或投百尺巖，與兇俱碎，或共一長繩與女投河，或集衆登樓，閣族盡難，或母女赴井，含笑稱祥，或娣姒跳潭，從容携幼，至云身可贖而辱不可贖，手不可污而肱尤不可污，給之去而投繯，縛之鞍而斷繫，願為厲鬼以殺賊，相約五人而磨劍割髮，注油而不懼，牽臂引裾以為羞，厲聲罵賊而殺其三，誘卒牽衣而溺其二，水沒火燼，刀刺而不悔，斷指剜肉，體而不辭，凡茲蹈義之舉。

何愧忠烈之稱敬擬女流用光彤管可耳

列女傳論二

強暴侵陵女子大患此行露之所以作也至絕之不得而繼以死悲已唐方妻身以命婦沒為官婢峭崖深澗之下以手斂裙隨流而逝有若斯之從容就義者歟詩云瀏其清矣當為夫人潭咏之鄭熉妻之不辱義門可謂見幾於早已至若早而為傭貧而為丐為力作賤而為歌舞拘而為訊囚其又安可問耶乃金童劉玉諸人之妻以美色見侮寧赴水火蹈白刃瘞糞壤而不受其挑誘何其貞且烈也史茂妻因慙發賴遂致馬令改判判之不可不慎也如此夫

此夫

列女傳論三

夫婦者傳所稱齊體而同心者也忽失所天求生不獲死以濟之此結於一心哀怨之誠不容再計者也盧佳孀婚纒十月戚家婦甫當合卺固所稱其新孔嘉者矣若夫招魂湖水年歷八旬而溯從池中殞首他鄉生子踰月而投繯戶內叔嫂不通問推官之婦不肯萬里同歸奴輩利我財太守之妻難為藐孤瞑目心不欲活喜茉莉之殺人念不忘姑進果梨以為訣但知婦道何計夫之果賢豈肯偷生直以死為先嫁縊有期而為姑釀酒身將沉而給奴種

蓮擇良日而全歸。吞夫血以明志。恐負三日之約。相托七歲之兒。山水至而同溺。温池烈火炎而並焚。寢室瀹雞盂飯。相殉惡疾之夫。依殯置棺。伴死敗家之子。紉履一雙以償債。緩枯二日以從亡。凡此懿蹟。難以縷陳。讀史者周覽之餘。自得其節烈之槩云爾。

列女傳論四

讀史至梁寡割鼻。王高其行。劉長卿妻截耳。觀者感傷。夫逼嫁而至於殘形毀體。君子已恫心於所親矣。矧逼而至於死乎。有如馬葉諸人。見逼于翁姑。已不忍聞。至王氏竟以夫逼婦。而人倫之道絕矣。其於禽獸奚擇乎。並列之以為愚夫愚婦鑒。

列女傳論五

雉鳴求牡。風人所譏。矧詭浪形於姑婦之間。少知禮義者。不死可乎。故有一傳而勸戒互存者。此類是也。今採王妙鳳。唐貴梅以下三人。甘百折以死。而不肯從姑之行。冒不孝之名。而不忍彰姑之醜。故合而論之。君子觀於貞者。固足揚善示旌。而淫者亦足記惡垂戒。其猶風人之遺意也。夫。

列女傳論六

婦之事舅姑也。供甘麗。奉蘋蘩。孝之常也。若乃割臂割肝。

斷指截乳及夫扶櫬則歸骨遠鄉護柩則同殉水火皆孝之變也。凡此數條求之婦女未始乏人亦不數見有如哀號五載有司還其喪俾仁主澤及枯骨者其精誠足以動之也。茲採劉氏以下凡十一人統名之為孝婦云。

列女傳論七

昔楚貞姜之言曰貞女之義不犯約勇者不畏死守節而已。方貞姜以江水大至使者迎而忘持符寧水至而死不敢棄約越義以求生故辭曰守節明其不肯夫約也。而後世之名嫠婦者因之如徐守貞之斷指馮氏之啣臂凡以示約也。其他雖不必皆有斷指啣臂之事要其堅苦之志固不甚相懸故槩謂之節婦云。

列女傳論八

入水不溺入火不爇有是人歟。水火至而榻之上樓之中可無死歟。乃必生而待之者蓋欲自潔其身唯一死以明志貞之至也。以視殉夫殉舅姑者殆殊途而一轍已。彼行乞市上闔棺自焚者劉氏之焚其夫焚之也。

列女傳論九

婦人之禮足不踰閫言不出閫何義之足云。乃王世昌妻請代夫死雞澤李氏當亂離之秋棄子而存其叔田蘊璽妻棄女而存其姪其所見者大矣。黃應運之母及其妻妾

白又在前姑婦爭死皆閨門之傑也義孰大焉至張挺然為賊驅使覲受偽職而其妻黃氏誘以利脅以兵皆不為動綱常大義顧以巾幗存之乎故並列之義婦

列女傳論十

女子之孝微矣而八歲幼娥展轉釘板之上何其壯哉視彼緹縈之上書孰難孰易歟易曰履虎尾咥人凶履之且凶况敢掣乎姚氏女子耳顧能掣虎尾尾且脫蔡氏則折樹枝與虎格鬪三百餘步而虎舍其母招遠女一哭而大雷震電南山之罅裂其腹而墜其父屍凡此豈人力能為蓋精誠所通神實相之耳石之仇人猛於虎矣乃自經室

中卒治殺父者之罪不共戴天之仇一女子報之矣銀兒蹈火而抱病母同焚方女赴水而與父櫬同泊以及解女死而其母生不謂水深火熱之中乃得此三女子耶至若割胸取肝廬墓扶柩及終身不字以養其父母者亦不數數觀已

列女傳論十一

詩云無感我帨無使厖吠其辭雖婉抑何凜然難犯也有如韓貞女黃善聰兩女子者改装易服扮女為男或轉戰七年而同行者莫識或伴侶踰年而同寢食者莫知所謂出淤泥而不染者耶其貞潔莫可加其智慧亦不可及已

虞鳳娘之言曰。兄弟不同妻。姊妹如之。可補禮經之闕矣。至水中二女。其姓氏不傳。君子惜焉。

列女傳論十二

女子之生。一朝身罹禍亂。不遇寇則已。遇則一死之外。無他智巧矣。乃幼溪則以一女子而溺。兩賊與化。則以一賊而燼。兩妹和州之女。體裂為四五。河之賊指斷其三。豈天之報施。豈此畜彼。各有循環。未可一槩論歟。抑女各有懷。沉幾觀變。存乎其人歟。至於覆以帕。而曰。母污我髮。被以錦。而曰。母污我衣。或給或罵。甚至含血噴賊。而目乃瞑。鬻面被髮。而終不前。亦可吐閨閣之氣。已誰謂禍患之來。無所施其智巧哉。至今過石氏之地。猶覺耿耿血痕在也。

列女傳論十三

女色禍人。亦以自禍。為女子者。不幸而有美色。又不幸而生於無勢力之家。禍也。非福也。身為父母。可不早為之所乎。不然。徒使貞女捐軀。豈不惜哉。

列女傳論十四

記有之。曾子問曰。取女有吉日。而女死。如之何。孔子曰。壻齊衰而弔。既葬而除之。夫死亦如之。夫孔子稱往弔。非往終喪也。既葬而除服。且不終。孰謂以身殉之。林端娘以下十女子。皆殉未婚之夫。於禮或少折衷。要其至性。過人遠。

矣。至山鳴穀生。白氣騰屋。豈盡好事者稱道歟。若夫盆瓦碎起。逸簷如蝶。精英之氣結而未散。理亦有之。君子讀玉英之詩。及為周郎死之句。與地下見枚臯之語。泪潛潛下矣。

列女傳論十五

既葬而除。此孔子之言也。前述之詳矣。歐陽金貞以下諸人。皆未嫁之女。而守節以終。奉翁姑。脩孝養。何其於禮曲盡也。君子曰。亡於禮者之禮。其動也。中於諸媛見之。

列女傳論十六

劉向列女傳稱。會稽翟素受聘未婚。賊欲犯之。素曰。我可

得而殺。不可得而辱。賊遂殺素。嗚呼。素方字而未嫁。守貞不辱。其貞媛之權輿乎。若徐劉二媛。可謂善學矣。彼楊與倪。或待娶二十六年。或成婚六十一歲。亦可為劇談者之一助也。

列女傳論十七

姑而祔於廟。識者譏之矣。如萬陳二氏之姑。欲不祔於禰。得乎。詩云。無忝爾所生。二女以之。

列女傳論十八

聶政之姊。史遷稱之。彼固殺身以標弟之名者。如江氏者。殺其身以全弟之身。何多讓焉。至茅之與兄。俱燔。嚴之剖

腹全兄是一姊二妹者可與並傳矣

列女傳論十九

自古艷稱妾者衆矣。而以忠義傳者甚少。若竇妙善之投印荷池。着鮮衣。偽為夫人。卒入花塢井中。而主與主母得。以無恙。印亦獲全。張國紘當賊至時。約結鄉人丁壯登陴。女子擲石。妾楊率先以倡。卒死。譙樓旁。劉長庚妾欣然引。滿且飲。且歌。竟先自到。此其謀略勇敢有丈夫之氣。易曰。畜臣妾吉。若數妾者。可以當之矣。楊玉山小妻。諸人亦妾之。矯矯者耳。

列女傳論二十

周官之中女。奚列焉。奚婢也。後世稱曰。滅獲奚奴。獲即奚也。古未有以奚獲傳者。康成之婢。解詁詩書。談者艷之矣。若郇之抱三歲兒。得免於難。觀其太息泣下。望沈郎來。頓首授兒。意氣亦何壯哉。嗚呼。沈郎之智謀。亦藉以不朽矣。向使此二人者。與家國事。豈不可勝。寄命託孤之任乎。至妙聰之死。亦非尋常奚也。

土司傳總序

西南諸蠻有虞氏之苗。商之鬼方。西漢之夜郎。靡莫。邛笮。僂僂之屬。皆是也。自巴夔以東。及湖南北嶺。嶠內外。各踞地數千里。少者數百里。種類殊別。歷代以來。自相君長。原其為王朝役使。自周武伐紂。孟津大會。而庸蜀羗。矛微盧。彭濮諸蠻。皆與焉。及楚莊躡王滇。而秦開五尺道。置吏沿及漢武。置都尉縣屬。仍令自保。此即土官土吏之所始歟。迨有明。踵元故事。大為恢拓。分別司郡州縣額。以賦役聽我驅調。而法始備矣。然其道在於羈縻。彼大姓相擅。世積威約。而必假我爵祿寵之名號。乃易為統攝。故奔走惟命。

然調遣日繁急而生變恃功怙過侵擾益深故歷朝徵發
利害各半其要在於撫綏得人恩威並濟則得其死力而
不足為患實錄載成化十八年馬平主簿孔性善言溪洞
蠻獠雖常梗化亂豈無因昔陳景文為令猺獞皆應差徭
厥後撫字乖方始仍反側誠使守令得人示以恩信諭以
禍福亦當革心帝嘉納之惜未能實究其用此可為治蠻
之寶鑑矣嘗考洪武初西南夷來歸者即用原官授之其
土官銜號曰宣慰司曰宣撫司曰招討司曰安撫司曰長
官司以勞績之多寡分尊卑之等差而府州縣之名亦往
往有之襲替必奉朝命雖在萬里外皆赴闕受職天順末
許土官繳呈勘奏則威柄漸弛成化中令納粟倍賑則規
取日陋孝宗雖發憤釐革而因循未改嘉靖九年始復祖
宗之舊以府州縣等官隸驗封宣慰招討等官隸武選隸
驗封者布政司領之隸武選者都指揮領之於是文武相
維比於中土矣其間叛服不常誅賞互見茲據其事蹟尤
著者列於篇

湖廣土司傳序

湖南古巫郡黔中地也其施州衛與永保諸土司境介於
岳辰常德之西與川東巴夔相接壤南通黔陽谿洞深阻
易於寇盜元末滋甚陳友諒據湖湘間敢以利資其兵為

用諸苗亦為盡力。有乞兵旁寨為之驅遣者。友諒以此益肆。及太祖殲友諒於鄱陽。進克武昌。湖南諸郡望風歸附。前元時所置宣慰安撫及長官之屬。皆先迎降。太祖以原官授之。久漸梗化。洪武三年。慈利安撫使覃垕逼搆諸洞蠻入寇。征南將軍周德興平之。五年。復命鄧愈為征南將軍。率師平散毛等三十六洞。而副將軍吳良復平五開古州諸蠻。凡二百二十三洞。籍其民一萬五千。收集散士卒四千五百餘人。平其地。未幾。五開五谿諸蠻亂。討平之。十八年。五開蠻吳面兒反。勢獷甚。命楚王楨將征南將軍湯和等擊斬。九谿諸處蠻獠俘獲四萬餘人。諸苗始懼而靖。

沅道澧之間。十年內亦起。而尋滅。雖開國之初。師武臣力實。太祖控制之道。恩威備焉。永樂初。苗告繼絕。襲冠帶。稍就銜勒。垂百年。而五開銅鼓間。又紛紛多蠻警。時英宗北狩。中原所在侵擾。苗勢殊熾。景泰初年。總兵官宮聚奏蠻賊西至貴州龍里。東至湖廣沅州。北至武岡。南至播州之境。不下二十萬。前後奔赴。不能解。平越之圍。乞急調京邊軍。及征麓川卒十萬前來。以資調遣。久而師徵不至。更易他帥。浸淫六七載。至天順元年。總督石璞調總兵官方瑛。姑剋期征勦。破天堂小坪墨溪二百二十七寨。擒偽王侯伯等百餘人。斬賊首千四百餘級。奪回軍人男婦千三百。

餘口。於是苗患漸平。蓋萌發於貴州。而蔓延於湖南。皆生苗。為梗諸土司。初無動搖。而永保諸宣慰。世席富強。每遇征伐。輒願荷戈。備前驅。國家亦賴以捷。伐故永保兵號為虜雄。嘉隆以還。徵符四出。而湖南土司均備臂指矣。湖之土司有三。曰施州。曰永順。曰保靖云。

四川土司傳序

四川土司諸境。多有去蜀遠。去滇黔近者。如烏蒙東川。近於滇。烏撒鎮雄播州。近於黔。明太祖略定邊方。首先平蜀。置四川布政司使。招諭諸蠻。次第歸附。故烏蒙烏撒東川芒部。舊屬雲南者。皆隸於四川。不過歲輸貢賦。示以羈縻。

其生殺予奪之權。仍自操之。不盡聞於上也。然夷性獷悍。嗜利好殺。爭相競尚。焚燒劫掠。習以為恒。去省寫遠。莫能控制。附近邊民。咸受戕害。皆由規模草創。未嘗設立文武。為之鈐轄。聽其自相雄長。雖受天朝爵號。實自王其地。以故終明之世。流毒無窮。唯建昌松茂等處。設立衛所。播州改遵義。平越二府。而烏蒙以下。區畫殊未盡善。若夫改設流官。革其土俗。揆文奮武。為萬世邊疆永清之計。則端俟聖朝矣。今仍其舊制者。著於篇云。

雲南土司傳序

明興。洪武十四年。王師至滇。討滅梁王。置雲南府。自是諸

郡以次來歸。沿及屢朝。規制咸定。統而稽之。大理臨安以下元江永昌以上。皆府治也。孟良孟定等處。則為司。新化北勝等處。則為州。或設流官。或仍土職。今以諸府州槩列之。土司者。從其始也。蓋雲省所屬多蠻夷雜處。即正印為流官。亦必以土司佐之。而土司名目淆雜。難以綏析。故係之府州。以括其所轄。而於每府土司。止據其大綱。有關於治亂興亡者。載其一二。俾控馭土司者。識所鑒焉。

貴州土司傳序

貴州古羅施鬼國。漢西南夷牂牁武陵諸旁郡地。元置八番順元諸軍民宣慰使司。以羈縻之。明太祖既克陳友諒。

兵威遠振。思南宣慰思州宣撫。率先歸附。即令以故官世守之時。至正二十五年也。及洪武五年。貴州宣慰霽翠與宋蒙古歹及普定府女總管適爾等。先後來歸。皆予以原官。世襲。帝方北伐中原。未遑經理南荒。又仁智等歲修朝貢。最恭順。乃以衛指揮僉事顧成築城以守。賦稅聽其輸納。未置郡縣。永樂十一年。思州恩南相仇殺。始命成以兵五萬執之。送京師。乃分其地為八府四州。設貴州布政使司。而以長官司七十五分隸焉。屬戶部。置貴州都指揮使領十八衛。而以長官司七隸焉。屬兵部。府以下參用土官。其土官之朝貢符信。屬禮部。承襲屬吏部。領土兵者屬兵

部其後府並為六州并為四長官司或分或合釐革不一。然其地西接滇蜀東連荆粵太祖於平滇詔書言霽翠等不盡服之雖有雲南不能守也則志已在黔至成祖遂成之然貴州地皆崇山深箐鳥道蠶叢諸蠻種類嗜淫好殺畔服不常霽翠歸附之初請封其隴居部帝曰中國之兵豈外夷報怨之具及仁智入朝帝諭之曰天下守土之臣皆朝廷命吏人民皆朝廷赤子汝歸善撫之使各安其生則汝可常享富貴夫禮莫大於敬上德莫盛於愛下能敬能愛人臣之道也二十一年部臣以貴州逋賦請帝曰蠻方僻遠來納租賦是能遵聲教矣逋負之故必由水旱之災宜行蠲免自今定其數以為常從寬減焉二十九年清水江之亂既平守臣以賊首匿宣慰家宜並罪帝曰蠻人鴟張鼠伏自其常態勿復問國初御蠻之道其後世之龜鑑也夫

廣西土司傳序

廣西徭獠居多盤盤萬山之中當三江之險六十三山倚為巢穴三十六源踞其腹心其蔓衍於桂林柳州慶遠平樂諸郡縣者所在充牣而田州泗城之屬尤稱強悍種類浩繁莫可枚舉蠻勢之衆與滇為埒今就其尤著者觀其叛服不常沿革殊致征伐爵賞可以覘中國之德威掠地投

誠可以知夷情之順逆。備列於篇。為籌邊者之一助云。

流賊傳總序

盜賊之禍。歷代恒有。至明末李自成張獻忠極矣。史冊所載。未有若斯之酷者也。永樂中唐賽兒倡亂。山東厥後乘釁弄兵。頻見竊發。然皆旋就撲滅。惟武宗之世。流寇蔓延。幾危宗社。而卒以掃除。莊烈帝勵精有為。視武宗何啻霄壤。而顧失天下。何也。明興百年。朝廷之綱紀既肅。天下之風俗未澆。孝宗選舉賢能。布列中外。與斯民休養生息者十餘年。仁澤深而人心固。元氣盛而國脉安。雖以武之童昏。亟行稗政。中官倖夫。濁亂左右。而本根既非。盡撥宰輔。尚多老成。迨盜賊四起。而王瓊獨典中樞。陸完彭澤分任。

閻帥委寄殊專。旁撓絕少。以故危而不亡。莊烈帝承神熹
之後。神宗晏安。養癰熹宗。暱闇僂士。元氣盡漸。國脉垂絕。
向使熹宗御歷。復延數載。則天下之亡。不旋踵也。幸而莊
烈繼統。銳意更始。用人行政。煥然一新。然臣寮之黨局已
成。草野之物力已耗。國家之法令已壞。邊疆之搶攘已甚。
莊烈雖志勤宵旰。治核名實。而人才之賢否。議論之是非。
政事之得失。軍機之成敗。未能灼見於中。不搖於外也。且
性多疑。而任察好剛。而尚氣。任察則苛刻寡恩。尚氣則急
遽失措。當夫羣盜滿山。四方鼎沸。而委政柄者。非庸即佞。
勦撫兩端。茫無成算。至內外大臣。救過不給。大率有規利

自全之心。其或言語戇直。切中事弊者。率皆摧折以去。其
所任為閻帥者。事權中制。功過莫贖。敗一方即戮一將。墮
一城即殺一吏。賞罰太明。而至於不能罰。制馭過嚴。而至
於不能制。加以天災流行。饑饉洊臻。政繁賦重。外訐內叛。
譬一人之身。元氣羸然。疽毒並發。厥症已甚。危而醫則良。
否錯進劑。則寒熱互陳。病入膏肓。而無可救。不亡何待哉。
是故明之亡。亡於流賊。而其致亡之本。不在於流賊也。嗚
呼。莊烈非亡國之君。而當亡國之運。又乏救亡之術。徒見
其焦勞禍亂。子立於上。十有七年。而帷幄不聞良平之謀。
行間未覩李郭之將。卒致宗社顛覆。徒以身殉。悲夫。自唐

賽兒以下本末易竟。事具勦賊諸臣傳中。獨志其亡天下者。立李自成張獻忠傳。

流賊傳論

明自萬曆時。礦稅之使興。天下遂騷然多故。加以兵戈四動。水旱洊臻。沿及熹宗以來。政由閹豎。章程倒置。朝野靡寧。太祖之餘威。憲孝之遺澤。至是斬矣。莊烈嗣統。盜賊踵起。當事者漫無一籌。惟事增餉。餉日增而民日窮。民日窮而賊日衆。遂至鼎沸而莫可救。且漸積之弊。過於輕武。干城少腹心之託。邊疆無久任之人。文吏雜揉名法制。諸將之死命。故羣將多以養賊自固。為得計而秉鉞重臣。又皆

才識庸下。事權不一。觀於澠池之徑渡。朱陽之屢出。興安之用撫。穀城之再叛。抑果誰之罪也哉。蓋天命已終。大顧方改。欲借羣盜為驅除。有非人力所能為者。而於債事諸臣論者。烏能不痛心焉。

金東山文集卷之三

江都金門詔東山氏撰 門人子姪同校

補三史藝文志目錄 遼金元三史

經部

史部

子部

集部

補三史藝文志序

粵自墳索既興典章代備初自羲皇顯于姬室彬彬郁郁
盛蔑加矣洎乎道湮迹熄文獻無徵異端邪說百家混淆
宣聖懼焉爲之繫易刪書訂禮正樂修春秋著孝經燦然
如日月之經天照耀萬古矣雖秦火暫延而斯文未喪迄
於漢代除挾書之律開獻書之路自孝武至成帝訪求數
世充積祕府爰命劉向校書天祿子歆繼軌撰爲七略後
漢班固因之以作藝文志誠千古文苑之津梁而爲藏書
者之鴻寶也迨至魏祕書郎鄭默始制中經祕書監荀勗
又因中經更著新簿分爲甲乙丙丁而四部之名由茲以

起然甲經乙子史次子後詎爲確然宋祕書監謝靈運造
四部目錄祕書丞王儉又造目錄別撰七志齊祕書丞王
亮監謝朓梁祕書監任昉及殷鈞復有四部目錄阮孝緒
乃更爲七錄唐興長孫無忌等奉勅撰隋書綴緝藝文更
名經籍所云遠覽馬史班書近觀王阮志錄約文緒義凡
五十五篇各列小序於本條之下而首經次史然後繼之
以子終之以集條理森然義旣精密而經籍之名方諸藝
文彌稱體要蓋自有書契以來依類參稽展卷瞭如邁漢
志多矣降茲以還唐宋皆分四庫而甲乙丙丁載於志者
仍因四部之名復追藝文之號縱序說不及隋書周詳而

隋以後之著作藉以參稽亦非細故也近者焦太史竝竊
取鄭樵通志之例仍依隋書名以經籍上下數千年繁蕪
充棟類聚羣分燦然明備厥功偉矣獨惜其於遼金元三
朝之書缺略爲多統覽今古於茲未備不無遺憾焉遼有
耶律庶成蕭韓家奴之徒以文學著金有虞仲文徒單鎰
張行簡楊雲翼趙秉文之輩以經術顯元則郝經許衡吳
澄齊履謙元明善黃潛吳萊金履祥許謙陳櫟胡一桂黃
澤吳師道之屬幾于接踵歐曾嗣音濊洛矣雖片簡隻字
所當珍惜而不可失者也可無稽乎竊不自揆乃取三史
所載并旁搜博採合爲一志以當拾遺補闕之一助云

補三史藝文志

經部

易經類

遼道宗頒定易傳疏一部清寧元年頒賜學校

右遼

王弼韓康伯易經注天德三年國子監印定 女直字譯

易經一部世宗太定二十三年譯經所譯 趙秉文易經

叢說十卷 趙秉文象數雜說

右金

詔定易經注疏仁宗皇慶二年詔定周易以程氏朱氏為

主兼用注疏 郝經易經外傳 郝經太極演 許衡讀
易私言一卷 劉肅讀易備忘 劉因繫辭說 吳澂易
纂言十三卷 又校定周易 又易經著錄 袁楠易說
齊履謙易繫辭旨略二卷 又易本說四卷 王結易
說一卷 陳櫟易編 胡方平易學啓蒙通釋一卷 又
易餘閒記 胡一桂周易本義附錄纂疏十五卷 又周
易啓蒙翼傳三卷外篇一卷 胡炳文周易本義通釋十
二卷 黃澤易經解 又十翼舉要 又周易辨忘 又
象略辨同論 又易學濫觴 鄭滁孫大易法象通贊
又周易記玩 龍仁夫周易集傳十八卷 吳師道易雜

說 周敬孫易象占仁榮 瞻思奇偶陰陽消息圖 鄭

玉周易纂注 張特立周易集說 何中易類象二卷

李簡學易記九卷 俞琰大易集說十卷一作會要 又

太易纂圖二卷 又古占法一卷 熊良輔周易本義集

成十二卷 董真卿周易會通十四卷 雷思齊易圖通

變五卷 張理易象圖說三卷 又大易象數鉤深圖三

卷 倪淵易圖說二十卷 黃舜祖易說 陳尚德易說

潘迪周易述解 惠希孟易象鉤元 邵整六十四卦

圖說 黃超然周易通義 吳夢炎周易集義 熊凱易

傳集疏 李學遜周易精解 何逢原易解說 彭福易

學源流 涂晉生易義矜式 祝堯大易衍義 吳存程
朱易傳 吳存本義折衷 張延周易備忘 胡特周易
直解 劉霖周易本義四卷 黃鎮成周易通義十卷
歐陽貞易問辨三十卷 吾衍重正卦氣一卷

右元

書經類

室昉尚書無逸篇一卷 統和元年進 頒定書經傳疏一
部 道宗清寧元年頒賜學校 五子之歌一卷 大安四年
命燕國王延禧寫

右遼

孔安國尚書傳註 天德三年國子監印定 女直字譯尚
書一部 大定二十三年譯經所進 趙秉文無逸直解正
大年進 呂造尚書要略 正大間萬壽節同知集賢院呂
造進

右金

蕭軒酒誥一卷 大德十一年右諭德蕭軒書以獻 元明
善譯尚書節文一部 皇慶元年仁宗詔元明善宋文陞同
譯 吳澂書經纂言四卷 又校定書經一部 一作書經
序錄 趙孟頫尚書註 齊履謙書傳詳說 吳萊尚書
標說六卷 陳櫟書傳纂疏六卷 金履祥尚書表注四

卷廉訪使鄭允中表上 韓性書經辨疑一卷 許謙書
傳叢說六卷 吳師道書經雜說 梁益尚書補遺 又
七政疑解 何中書傳補遺 陳尚德書傳補遺 黃鎮
成尚書通考十三卷 韓信同書經講義五百餘篇 何
逢原書經通旨 徐蘭書經體要 陳樵洪範傳 于房
書傳 邛葵書經直解 呂椿書經直解 胡誼尚書釋
疑 胡一中定正洪範一卷 吾衍尚書要略 王充耘
書經管見二卷 周聞孫書經一覽 王天與尚書纂傳
四十六卷 蘓鼎書傳六卷 陳師凱書經蔡傳旁通六
卷 朱祖義尚書句解十三卷

右元

詩經類

頒定詩經傳疏一部清寧元年頒賜學校

右遼

毛鄭詩經一部天德三年國子監印定毛萇註鄭元箋

右金

禿忽思錄毛詩一部至元五年勅從臣禿忽思等錄 塔
失不花幽風圖皇慶二年進 吳澂校定詩經 許謙詩
經集傳 又詩名物鈔八卷 陳櫟詩記 胡一桂詩傳
附錄纂疏 韓性詩音釋一卷 吳師道詩雜說 梁益

詩傳旁通 朱公遷詩傳疏義二十卷 黃舜祖國風小
 雅說 劉瑾詩傳通釋 蕭山讀詩傳十卷 王都中詩
 集三卷 顏達詩經講說 邱葵詩口義 楊舟詩經發
 揮 雷光庭詩義指南十七卷 熊凱風雅遺音 朱倬
 詩經疑問七卷

右元

春秋類

頒定春秋傳疏清寧元年頒賜學校

右遼

杜預左傳註天德三年國子監印定

楊雲翼左氏賦

篇

右金

刊定陸淳春秋纂例辨疑微旨延祐五年太保曲出請梓

郝經春秋外傳

李昶左氏遺意二十卷

吳澄春秋

纂言

又校定春秋

袁楠春秋說

齊履謙春秋諸國

統紀六卷

敬儼春秋備忘四十卷一作敬鉉

春秋憲

章

吳萊春秋世變圖二卷

又春秋傳授譜一卷

胡

炳文春秋集解

黃澤春秋經解

又三傳義例考 又

筆削本旨

又元年春王正月辨

又諸侯娶女立子通

考

又魯隱公不書即位義

又春秋指要

又邱甲辨

程端學春秋本義三十卷 又春秋三傳辨疑二十卷
又春秋或問十卷 吳師道春秋胡傳附辨 周敬孫
春秋類例 杜瑛春秋地理源要十卷 張樞春秋三傳
歸一義三十卷 呂椿春秋精義 苟宗道春秋外傳五
十卷 又春秋三傳序論一卷 王原傑春秋讞議 吳
儀春秋裨傳類編 又春秋五論辨 劉聞春秋通旨
陳琢春秋旨要 彭縑春秋辨疑 林泉生春秋論斷
郭正子春秋傳論 臧夢解春秋發微 潘迪春秋述解
魯淵春秋節傳 戴良春秋經傳考 魯貞春秋按斷
苗清志春秋經旨 李應龍春秋纂例 李廉春秋傳

會通二十四卷 邱葵春秋通義 戴栩春秋說 田君
右春秋管見 高元之春秋義宗五十卷集春秋說三百
餘條 王惟賢春秋旨要十二卷 楊維禎春秋大義
又左氏君子論 又春秋透天關 劉希賢春秋比事
張樞三傳歸一義 章樵補春秋繁露 張浚春秋中的
牟楷春秋建正辨 王申子春秋類傳 梅致和春秋
編類十二卷 俞臯春秋釋義集傳大成十二卷 陳深
讀春秋編十二卷

右元

禮類 樂附

禮典三卷重熙十五年詔蕭韓家奴及耶律庶成撰

右遼

孔穎達禮記疏 鄭賈周禮註疏天德三年國子監印定
禮記用孔穎達疏周禮用鄭元注賈公彥疏 禮纂一百
二十卷諸禮記錄三百餘卷金世宗命禮部尚書張瞻等
參校 楊雲翼周禮辨

右金

吳澂禮記纂言三十六卷 又校定禮記 又校定大戴
禮 又曲禮考註十卷 又校定儀禮 又儀禮逸經五
卷 又儀禮逸經八篇儀禮傳十五卷 又三禮序錄

吳當周禮纂言 陳櫟禮記集義 黃澤三禮祭祀述略

又殷周諸侯禘祫考 又周廟太廟單祭合食說 蕭

軒三禮說 韓性禮記說四卷 惠希孟雜禮纂要數十

卷 胡炳文雜禮纂說 韓信同三禮旁注 黃舜祖禮

記說 彭絲禮記集說四十九卷 周成大喪禮服制考

楊維禎禮經約 康宗成三禮考註 陳友仁集說十

二卷 邱葵周禮全書六卷 又周禮定本三卷 敖繼

公儀禮集說十七卷 吳澂校定樂律 趙孟頫樂原

又琴原 杜瑛律呂志 又禮樂志

右元

四書類

四書譯解温迪罕締達宗璧阿魯張克忠等譯一作楊趙

秉文中庸說一卷 又刪集論語解十卷 又刪集孟子

解 李純甫中庸集解 劉章刺刺孟

右金

許衡大學直說 又大學要略 王鶚論語集義一卷

李昶孟子權衡遺說五卷 劉因四書精要三十卷 又

四書語錄 齊履謙大學四傳小註一卷 又中庸章句

續解一卷 又言仁通旨二卷 吳萊孟子弟子列傳二

卷 金履祥大學章句疏義二卷 又論語孟子集註考

證十七卷 許謙四書叢說二十卷 陳櫟四書發明三

十八卷 又四書考異十卷 胡炳文四書通三十四卷

又四書辨疑 又大學指掌圖 瞻思四書闕疑 杜

瑛語孟旁通八卷 孟夢恂四書辨疑 陳沂大學論語

說 黃季全論語人物志 薛搜孔子集 黃鎮成中庸

章旨二卷 陳尚德四書集解 何逢原四書解說 邱

葵四書日講 林起宗四書圖解 黃清老四書一貫數

十卷 黎立武大學發微 程復心四書章圖纂釋二十

二卷 張存中四書通證六卷 詹道傳四書纂義二十

六卷 朱公遷四書通旨六卷 四書辨疑十五卷失名

景星學原啓蒙一卷

右元

孝經類

唐元宗孝經註天德三年國子監印定 女直字孝經大定年譯

右金

國字孝經大德十一年右丞孛羅鐵木兒進 趙孟頫手

錄孝經至治元年奉命書 小雲石海涯直解孝經一卷

許衡孝經註一作直說 吳澄孝經定本 胡一桂孝

經傳贊 李孝光孝經圖說至正七年進 又孝經義疏

林起宗孝經圖解 董鼎孝經大義 朱申孝經句解

右元

小學類

太祖契丹大字耶律庶成制 李德明番書十二卷

右遼

太祖女直大字完顏希尹撰 熙宗女直小字完顏希尹

撰 蔡珪續金石遺文跋尾十卷

右金

泰不華復古編十卷 揚桓六書統二十卷 又六書泝

源十三卷 又書學正韻三十六卷 申屠致遠集古印

章三卷 劉因小學語錄 柳貫字系二卷金石竹帛遺
文十卷 周伯琦六書正偽 又說文字原 許謙假借
論 蕭軒小學標題駁論 杜本六書通編 八思巴蒙
古新字 孫吾與韻會定正四卷 黃玠纂韻錄 陶九
成書史會要七卷

右元

經解總類

遼道宗頒定五經傳疏清寧元年頒定

右遼

五經譯解大定年詔溫迪罕締達宗璧阿魯楊克忠譯解

移刺傑移刺履講究其義 馬定國六經考

右金

九經講義太宗命梁鷲王萬慶趙著等釋 五經要語至

元三年商挺姚樞竇默王鶚楊果等纂進 余闕五經傳

註 李好文端本堂經訓要義十一卷 張盪經說 黃

澤六經補註 又翼經罪言 牟應龍五經音考 瞻思

五經思問 杜本四經表義 楊維楨五經建鈐 歐陽

長孺九經治要十卷

右元

史部正史類

金東山文集 卷之三
頒定史記漢書咸雍十年頒定 五代史譯解重熙十五年蕭韓家奴奉詔譯

右遼

徒單鑑史記譯解大定六年以女直字譯 蕭貢注史記一百卷 徒單鑑西漢書譯解大定六年譯 蔡珪南北史三十卷合沈約蕭子顯魏收書作南北史 蕭永祺遼史紀三十卷志五卷傳四十卷 黨懷英遼史陳大任繼修

右金

張樞刊定三國志六十五卷 又續後漢書七十三卷分

漢本紀魏吳載紀 郝經續後漢書九十卷 脫脫遼史一百十五卷 又金史一百三十五卷 又宋史四百九十六卷

右元

編年類

蕭韓家奴通曆譯

右遼

續資治通鑑大安中詔儒臣楊雲翼等續纂 龜鑑萬年錄正大間趙秉文與楊雲翼同撰進

右金

郝經通鑑書法 金履祥通鑑前編二十卷 張特立歷
年係事紀 胡一桂歷代編年 陸以道宋鑑提綱 何
中綱目測海三卷

右元

實錄類

遼先朝事迹二十卷林牙律耶庶成蕭韓家奴同撰重熙
十三年詔錄遙輦可汗至重熙以來事跡 皇朝實錄七
十卷樞密直學士耶律儼等撰 統和實錄二十卷北府
宰相室昉翰林學士邢抱朴等撰統和四年進

右遼

金始祖以下十帝實錄穆宗子金源郡王完顏勛撰皇統
元年進 太祖實錄二十卷完顏勛撰皇統八年宗弼進
太宗實錄紇石烈良弼張景仁曹望之劉仲淵等同修
睿宗實錄尚書左丞相紇石烈良弼等修太定十一年
進 熙宗實錄鄭子聃撰 世宗實錄承安三年尚書右
丞完顏匡進 章宗實錄興定四年尚書右丞高汝礪監
修參知政事張行信王若虛等同修

右金

元太祖以來累朝實錄翰林學士撒里蠻等纂修 太宗
實錄大司徒撒里蠻翰林學士承旨王魯帶等進 世祖

實錄王約董俊姚燧趙孟頫李木魯翀等修 太宗世宗
憲宗三朝實錄元貞二年兀都帶等進 金書世祖實錄
節文一冊漢字實錄十冊大德八年翰林學士承旨撒里
蠻進 順宗實錄至大元年命翰林元明善等修 成宗
實錄至大元年鄧文原暢師文程鉅夫元明善等修 武
宗實錄皇慶元年程鉅夫元明善楊載等修 武宗實錄
至順元年蘇天爵重修 仁宗實錄曹元用元明善李之
紹等同修拜住正定至治三年進 英宗實錄吳澂曹元
用馬祖常廉惠山海牙等修 泰定天曆兩朝實錄張起
巖歐陽元等修 四朝實錄翰林學士歐陽元修 泰定

帝明宗文宗三朝實錄蘇天爵謝端成遵等修

右元

起居注類

遼興宗起居注重熙中耶律良修

右遼

金天德朝起居注天德三年翰林待制宗叙修 世宗起
居注大定七年詔紇石烈良弼石琚楊邦基夾谷衡等同
修 章宗起居注守貞等修

右金

世祖起居注至元十五年修 順帝起居注至正元年修

雜史類

唐三紀行事聖宗時馬得臣錄唐高祖太宗元宗三紀行事可法者以進 譯貞觀政要蕭韓家奴譯

右遼

君臣政要趙秉文與楊雲翼同集自古治術 趙秉文龜鑑興亡金鏡錄一百卷傅慎微纂 女直字貞觀政要徒單鎰譯 貞觀政要申鑒趙秉文 金四朝聖訓承安五年右補闕楊廷秀等類編 熙宗尊號冊文完顏勛撰 大定遺訓正大四年同知集賢院史公奔進 初政錄

十五篇范拱撰 會同記錄張行簡撰 又朝獻記錄

又禘祫記錄 又喪葬記錄 金源野史元好問撰 劉

祁歸潛志從益之子

右金

兩漢通紀呂思誠撰 漢唐會要孟夢恂撰 觀史治忽

幾微許謙撰 十七史纂胡一桂撰 大寶錄李好文撰

言歷代治亂興廢 大寶龜鑑李好文撰言前代是非善

惡 史評一卷德安戴羽撰虞集序 歷代史鉞楊維禎

撰 史論三十卷王約撰 皇圖大訓馬祖常撰 承華

事略馬祖常撰 天興近鑑三卷楊奐撰 正統書六十

卷楊奐撰一作正統八例 汝南遺事二卷王鷲撰 平
 蜀論張立道撰 安南錄張立道撰 承華事略王惲撰
 守成事鑑十五篇王惲撰進成宗 世宗聖訓六卷王
 惲撰 平宋事蹟暢師文撰 國統離合表姚燧撰 雲
 南實錄五卷郝天挺撰

右元

故事類

經世大典八百八十卷目錄十二卷公牘一卷纂修通議
 一卷天曆二年命趙世延虞集等撰悉取諸有司掌故修
 之 歷代帝王故事百有六篇李好文撰

右元

職官類

官制許衡劉秉忠張文謙同撰 相鑑五十卷王惲撰
 中堂事記王惲撰 烏臺筆捕王惲撰 玉堂嘉話王惲
 撰 相業一編鄧光薦撰

右元

儀注類

禮書耶律成蕭韓家奴同撰

右遼

大金禮儀楊雲翼校

右金

朝儀許衡徐世隆撰 釋奠通禮三卷申屠致遠撰 太
常集禮五十卷李好文撰

右元

法令類

皇統制條大定律例移刺慥撰

右金

風憲宏綱趙世延撰世延所較定律令 審聽要訣鑿思

撰 至元新格何榮祖撰

右元

傳記類

遼三臣行事一卷耶律孟簡撰

右遼

張行簡清臺記 又皇華記 又戒嚴記 又為善自公

記 韓玉元勳傳 王鬱王子小傳

右金

孟子弟子列傳吳萊撰 國朝名臣事略十五卷蘇天爵

撰 牟應龍隆山雜記 吳師道敬鄉錄 瞻思正大諸

臣列傳 瞻思異人傳 張翥曲江張公年譜 張翥忠義

錄集至正兵興來死節死事之人

右元

譜牒類

女直郡望姓氏譜完顏勛撰

右金

史傳姓氏纂梁益撰

右元

地理類

蔡珪補正水經五篇

蔡珪晉陽志十二卷

右金

皇慶處州路志

張立道雲南風土記

又六詔通說

王惲汲郡志十五卷

暢訥地理指掌圖註暢師文父撰

王約高麗志四卷

黃潛義烏志七卷

蕭軒九州志

吳萊古職方錄八卷

韓性郡志八卷

瞻思鎮陽風

土記 又續東陽志

又重訂河防通議

又西域圖經

右元

子部儒家類

揚子發微一卷趙秉文撰

又太元箋六卷

又文中子

類說一卷 李純甫鳴道集解

右金

吳澄校正太元經

又校定皇極經世書

又學基學統

二卷 朶爾直班治原通訓四卷 郝經太極演 又原
古錄 何榮祖載道集 又觀物外篇 齊履謙經世書
入式一卷 又外篇微旨八卷 柳貫近思錄廣輯三卷
李洞輔治篇 趙復傳道圖 又伊洛發揮 又師友
圖 又希賢錄 許謙自省編 胡一桂人倫事鑑 程
端禮讀書日程 孟夢恂性理本旨 鄭文嗣家範三卷
杜瑛皇極引用八卷 又皇極疑事四卷 又極學十
卷 馬佐順寶範英宗所賜名 季仁壽春谷續書紀共
二百卷
右元

道家類

老子集解李純甫撰 南華略釋一卷趙秉文撰 莊子
集解李純甫撰 列子解一卷趙秉文撰 一作列子補注
莊列賦各一篇楊雲翼撰
右金

吳澄校正老子 又校正莊子 瞻思老莊精論 俞琰
陰符經解 趙材鄉陰符經註
右元

釋家類

梵覺經咸雍三年夏國遣使進 御書華嚴經五頌咸雍

八年道宗書 頒定高麗佛經太康四年詔僧善知讐校
高麗所進佛經

右遼

無量壽經承安二年印一萬卷 李純甫楞嚴經解 李

純甫金剛經解 李純甫西方父教純甫解上二經統數

十萬言號西方父教 張珣註金剛般若經

右金

必蘭納識里譯楞嚴經 又大乘莊嚴寶度經 又乾陀

般若經 又大涅槃經 又大乘功德經 又不思議禪

觀經 王當陽精語元初遇異人能幻化之術撰精語

右元

天文家類

移刺履乙未曆 楊雲翼五星聚井辨一篇 又象數雜

說 又勾股機要

右金

庚午元曆耶律楚材撰 又麻答把曆楚材依回鶻曆撰

授時曆許衡郭守敬撰 李冶測圖鏡海十二卷 郭

守敬推步七卷 又立成曆二卷 又曆議擬藁三卷

又上中下三曆注式十二卷 又時候箋註二卷 又修

改源流二卷 又儀象法式二卷 又二至測影考二卷

又五星細行考五十卷 又古今交食考一卷 又新測二十八舍雜坐諸星入宿去極一卷 又新測無名諸星一卷 又月離考一卷 齊履謙二至測影考二卷 又經串演撰八法一卷 杜瑛律曆志十卷 陳尚德石塘算書

右元

五行家類

王白百中歌類卜筮

右遼

郭守敬轉神選擇二卷

劉因櫝著記

吳澄校定郭璞

葬書

三右元

李公兵家類

吳澄校正八陣圖

又王右元

縱橫家類

吳師道戰國策校註十卷

右元

農家類

暢師文農桑輯要七卷

王禎農桑通訣二十卷

右元

雜家類

徒單鑑譯白氏策林大定四年上女直字譯 趙秉文資
暇錄十五卷 王庭筠藁辨十卷一作藁談 王庭筠張
汝方品第書法名畫五百五十卷 元好問錦機一卷
又壬辰雜編

右金

李冶壁書藁削十二卷 又古今難四十卷 又益古衍
疑三十卷 黃潛筆記一卷 蘇天爵春風亭筆記一卷
胡長孺寧海漫抄 孟夢恂筆海雜錄 陶九成輟耕

錄三十卷 杜本十原

右元

小說家類

李冶泛說四十卷 張樞林下竊議一卷 陶九成說郭
一百卷 俞瑛席上輔談二卷 鄭元祐遂昌山樵雜錄
二卷 李有古杭集記一卷

右元

醫家類

耶律庶成譯方脉書 直魯古鍼灸書

右遼

劉完素運氣要旨論 又精要宣明論 又素問元機原
病式 張子和汗下吐法張從正撰 又儒門事親十四
卷 又六門二法 李慶嗣傷寒纂類四卷又改政活人
書二卷 又寒傷論三卷 又針經一卷 紀天錫注難
經五卷

右金

至元增修本草世祖至元二十一年命翰林承旨撒里蠻
集賢大學士許國禎集諸路醫學教授修 申屠致遠集
驗方十二卷 李杲醫書 又東垣十書
右元

藝術類

義宗射騎圖 又獵雪圖 又千鹿圖
右遼

衍慶宮功臣圖像畫宰相韓企先等像 徒單克寧圖像
世宗二十八年詔畫克寧像藏內府

右金

楊奐硯纂 趙孟頫印史二卷 吾衍古印文二卷 王
厚之復齋印譜

右元

集部別集類

遼道宗清寧集 耶律良編 平王隆先閭苑集 蕭孝穆
寶老集 耶律資忠西亭集 耶律庶成集 楊佶登瀛
集 耶律孟簡集 耶律谷欲集 王棠集 耶律氏常
哥集

右遼

金源郡王完顏勛集 豫王永成樂善居士集世宗子
虞仲文集 宇文虛中集 高士談蒙城集 完顏璠如
菴小藁 李愈狂愚集二十卷 徒單鎰弘道集六卷
路鐸虛舟居士集 張行簡叔甫集十五卷 楊雲翼之
美集 趙秉文淦水集 韓玉應制集 李獻甫天倪集

蔡松年集 蔡珪正甫集五十五卷 吳激東山集十
卷 馬定國集 趙可玉峯散人集 郭長倩崑崙集
鄭子聃集二千餘篇 趙滄黃山集 王庭筠集四十卷
劉從益蓬門集 呂中孚蘭泉集 又清漳集 李純
甫內集 又外藁 王欝集 王若虛傭夫集 又滹南
遺老集四十五卷 元德明東山集三卷 元好問十二
卷 又詩文自警十卷 又中州集 曹班卷瀾集二卷
章建蘭泉老人集 閩詠復軒集
右金

馬祖常石田集十五卷 小雲石海涯集 余闕青陽集

八卷 耶律楚材集十二卷 楊奐還山集六十卷 劉
秉忠太保集十卷 郝經文忠集三十卷一作陵川集
王鶚應物集四十卷 商挺藏春集六卷一作彝齋集
高鳴河東集五十卷 李治敬齋集四十卷 徐世隆瀛
洲集一百卷 閔復靖軒集五十卷 楊果西菴集 李
之紹集 張立道效古集 王惲秋澗集一百卷 陳祐
節齋集 何榮祖大畜十集 又載道集 申屠致遠忍
齋行藁四十卷 劉因靜修集十三卷 吳澄文正集五
十二卷 許衡文集三十卷 程鉅夫雪樓集 趙孟頫
松雪集十卷 趙孟堅彝齋外編四卷 鄧文原集 又

內外制集 袁桷清容居士集五十卷 曹元用超然集
四十卷 馬紹集 姚燧牧菴集五十卷 曹伯啓漢泉
漫藁十卷 又續集十卷 劉敏中中菴集二十五卷
王約潛邱藁三十卷 王結集十五卷 宋衙秬山集十
卷 張伯淳學士集十卷 耶律希亮愔軒集三十卷
元明善清河集三十九卷 虞集道園類藁五十卷 揭
傒斯曼碩集五十卷 黃潛日損齋藁三十三卷 柳貫
文肅集四十卷 吳萊集六十卷 又淵穎集十二卷
張起巖華峰漫藁又金陵集 歐陽元圭齋集十六卷
許有壬至正集八十一卷 又圭塘小藁十卷 宋本至

治集十卷 王守誠集 李術魯翀集六十卷 李洞集

四十卷 蘇天爵文藁三十卷 王克敬集 呂思誠集

張翥蛻餘集二卷 烏古孫良楨約齋集 貢師泰雲

林集十卷 又奎章集六卷 周伯琦近光集三卷 金

履祥仁山集 許謙白雲集四卷一作魯齋集 胡炳文

雲峰集二十卷 張璽集 蕭蚪勤齋集一作貞敏集十

五卷 同恕渠菴集三十卷 安熙默菴集五卷 胡長

孺瓦缶編 又南昌集 又顏樂齋藁 熊朋來集三十

卷 戴表元剡源集 鄭陶孫集 陳孚剛中集四卷

楊載霜月集 劉詵桂隱集 龍仁夫集 劉岳申集

韓性集十二卷 程端禮畏齋集十卷 吳師道禮部集

三十卷 陸文圭牆東類藁二十卷 梁益三山藁 張

旅安雅堂集四十卷 程文黜南集三十八卷 李孝光

集二十卷 宇文公諒折桂集 又觀光集 又辟水集

又玉堂漫藁 瞻思集三十卷 鄭玉師山集二十卷

黃昇集 杜瑛集十卷 張樞敞帚編 孫轍集 何

中知非堂藁十七卷 又太虛知非堂藁六卷 武恪水

雲集 楊弘道小亨集十卷 王元明達意集十卷 何

蠖闇集八卷 任士林松鄉集十卷 宋娶燕石集十卷

一作聚 王旭蘭軒集二十卷 曾仲啓集十卷 魏初

青崖集十卷 許承爵滋溪集三十卷 宋元禧稿三十

卷 高文簡集七卷 衛宗武秋聲集八卷 熊豫章集

三十卷 蒲道源叢藁二十六卷 朱右白雲稿九卷

陳深源片雲小稿一卷 董嗣杲廬山集 朱希顏瓢泉

集四卷 張光弼集二卷 鄭彥昭樗菴類藁二卷 滕

安上東菴藁十六卷 郭鎬遺安集十一卷 劉聞容窻

集十卷 趙文青山藁三十一卷 陳可齋集二十卷

李曾伯集十卷 又續集七卷 姚江村近藁十三卷

劉申齋集十五卷 吳鑑天爵堂類編十卷 馮玉麟東

臯集五卷 傅若金集十一卷 宋元集六卷 楊志行

待制霜月集四十卷 又仲弘集四卷 吳海集四卷

周霆震集十卷 張養浩文忠集十八卷 張昌寓道集

二卷 余希魯聽雨軒集十一卷 戴良九靈山房集三

十卷 李維本一山集九卷 朱德潤存復齋集十卷

凌彥翀柘軒集五卷 華彥清黃梅集六卷 成原常居

竹集四卷 蒲洪軒渠集十卷 王冕竹齋集二卷 李

存仲公集三十卷 周權此山集一卷 張憲玉筍集九

卷 宋奐紫陽遺藁二卷 黃四如集十卷 陳樵鹿皮

子集四卷 王彥高集十卷 胡天游敖軒集一卷 袁

彥章書林集七卷 沈夢麟花谿集三卷 方誼虎林高

隱集五卷 呂則耕得月藁六卷

右元

詩集類

遼天祚文妃蕭氏諷諫歌 平王隆光閨苑詩 義宗詩

馬得臣詩 蕭柳歲寒集千篇 耶律資忠西亭詩集

耶律庶成詩集 楊哲詩 耶律韓留述懷詩 蕭韓

家奴六義集十二卷 王鼎詩 耶律孟簡詩 耶律谷

欲詩 邢簡妻陳氏詩 耶律氏常哥詩 又迴文詩

右遼

金源郡王完顏勛詩集 虞仲文詩 完顏璠樂府詩一

百首 又詩三百首 又如菴小藁詩 曹望之詩集三

十卷 趙秉文詩資 鄭子冊詩 又忠臣猶孝子詩

王庭筠秋山應制詩三十首 王元節詩集 李汾詩

元好問詩集二十卷

右金

也先忽都詩集十卷 劉秉忠詩集二十二卷 王鶚應

物詩 王惲詩 劉因詩丁亥集五卷 曹元用詩 曹

伯啓詩 王結詩 蘇天爵詩藁七卷 王都中詩集三

卷 張翥詩集三卷 周伯琦詩 又學言藁 宇文公

諒以齋詩藁 又玉堂漫藁 又越中行藁 黃昇詩

梁益詩緒餘 吳志大詩一卷 黃叔翼詩一卷 丁復
檜亭詩藁九卷 梁棟隆吉詩集一卷 薩都刺天錫詩
二卷 周密蠟屐集一卷 許文懿古詩一卷 周權此
山詩集十卷 楊維禎古樂府十卷 又麗則遺音四卷
吳景奎葯房樵唱三卷 范杼德機詩七卷 葉顥樵
雲獨唱集六卷 黃庚月屋樵吟四卷 黃堅遜世遺音
一卷 僧善經谷響集四卷 僧克新雪廬稿一卷

右元

詩選類

杜詩學一卷元好問 東坡詩雅三卷元好問

右金

楚漢正聲一卷吳萊 樂府編類一百卷吳萊 唐人鼓
吹集十卷郝天挺 唐律刪要三十卷吳萊 杜詩纂例
十二卷申屠致遠編

右元

賦類

蕭魯賦 耶律庶成四時逸樂賦 蕭韓家奴四時逸樂
賦

右遼

東狩射虎賦熙宗獵於海島三日之間親射五虎完顏勛

獻 一日獲三十六熊賦施宜生 徒單鎰漢武中興賦
世宗大定十五年上 楊雲翼左氏莊列賦 鄭子聃不
貴異物民乃足賦

右金

奏疏類

梁襄世宗幸金蓮川疏一卷 陳規章奏 許古章奏

右金

蘇天爵松廳章疏五卷

右元

策論類

蕭韓家奴策對一卷

右遼

鄭子聃憂國如飢渴論 許安仁無隱論

右金

暢師文時政十三策

右元

表類

金源郡王完顏勛諫表韓昉集

右金

書類

劉輝上書 耶律昭答蕭撻凜書

右遼

劉炳便宜十事書

右金

碑類

遼太宗功德碑蕭韓家奴撰

右遼

金太祖睿德神功碑韓昉撰

右金



